

Philosophi isti fabricare non potuerunt, quam quantum aut pondus vel moles ipsius *auri*, de quo Spiritum extraxerunt, ut interim taceam longum temporis spatium, difficillimam methodum, & sumtus largos, quæ omnia in educendo illo *auri* vulgaris spiritu perpeffi & experti sunt. Ut igitur generationem hanc auri hocquæ artificium majori copia, faciliori modo, minoribus expensis, & sic tandem cum lucro & utilitate exercere possent, sapientes Veteres coacti *aurum* vulgare reliquerunt, & cum hic Spiritus, de quo hoc loco agimus, idem sit cum Spiritu generante omnium creaturarū, sitque eadem & unica generativa natura per omnia diffusa, alibi eum quætere compulsi sunt, & tandem neque labori, neque tempori nec sumptibus, in hac rerum omnium existimatione parcentes, ad unam tandem rem pervenerunt, in qua Omnes sui voti compotes effecti sunt, & adepti rem vel corpus quoddam compositam ex tam mundo vel mundiori Spiritu vel semine, quam aurum & argentum, à natura parum vel minimè elaboratum, neque ad complementum productum, in qua inesset Spiritus iste metallinus, non limitatus, non coarctatus, nec ad certam quantitatem extensus, sed adhuc intensus, exuberans, plus possidens formæ quam materiæ, ut per ignem artificialem ad intimam sui puritatem devenire & talis effici, ita diffundi, extendi & multiplicari possit, ut post complementum milles millesies fortior & perfectior sit, quam corpora naturaliter perfecta, aurum & argentum nimirum. Omnis enim res cum habeat esse à forma, & quæque res, quantò magis habet de forma, tantò magis